

# Atamai i Aoaoga Faavae: Iloiloga 1—Taiala Suesue

TUSI LESONA SEMINARE O LE FEAGAIGA FOU

## Tauloto tusi faasino ma fasifulaitau autu o mau

Ia faamasani i fuaitau o mau o le atamai i aoaoga faavae ma fasifulaitau autu o mau. Atonu e te manao e sii mai ma faaoga le polokalama feaveai o le Atamai i Aoaoga Faavae e fesoasoani e fai ai lau toe faamanatu.

Mataio 5:14–16. “Ia faapea ona pupula atu lo outou malamalama i luma o tagata.”

Mataio 11:28–30. “Ia outou o mai ia te au, o outou uma o e tigaina ma mafatia i avega, o a’u foi e malolo ai outou.”

Mataio 16:15–19. Na fetalai Iesu, “Ou te avatu foi ia te oe ki o le malo.”

Mataio 22:36–39. “E te alofa atu i le Alii lou Atua. ... E te alofa atu i lē lua te tuaoi.”

Luka 2:10–12. “Aua o le aso nei ua fanau ai i le aai o Tavita, lo outou Faaola, o le Alii ia o Keriso.”

Luka 22:19–20. Na poloai mai Iesu Keriso, ia aai ma feinu i le faamanatuga “e fai ma faamanatuga ia te au.”

Luka 24:36–39. “Aua o le agaga e leai sona aano ma ni ivi, pei o a’u nei ua outou vaavaai i ai.”

Ioane 3:5. “Afai e le fanau se tasi i le vai ma le Agaga, e le mafai ona sao o ia i le malo o le Atua.”

Ioane 3:16. “Aua ua faapea lava ona alofa mai o le Atua i le lalolagi, ua ia aumai ai lona Atalii e Toatasi.”

Ioane 7:17. “Ai se tasi e fia fai lona finagalo, e iloa ai e ia le mataupu.”

Ioane 17:3. “O le ola e faavavau foi lenei, ia latou iloa oe le Atua moni e toatasi, ma Iesu Keriso.”

## Faaoga aoaoga faavae i tulaga moni e tutupu o le olaga

- Faaoga se fuaitau se tasi pe sili atu o mau o le atamai i aoaoga faavae e tali atu ai i se tagata e fesili, “O le a se mea o aoao mai e le Feagaiga Fou e uiga i le mauaina o se molimau patino e faapea, o le aoaoga faavae o loo aoaoina i le Ekalesia e mai le Atua?”
- Afai e te aoaoina se tagata e uiga i le alofa o le Atua mo i latou, o a fuaitau o le atamai i aoaoga faavae o le Feagaiga Fou e mafai ona e faaogaina? E faapefea ona e faaogaina nei fuaitau e faamatala ai le alofa o le Atua?

Ia saunia e faasoa atu po o le fea o fuaitau o le atamai i aoaoga faavae ua sili sona aafiaga ia te oe. O le a le mea ua aoao atu e lena fuaitau ia te oe e uiga i le Tama Faalelagi ma Iesu Keriso?

## Mataupu Faavae o le Mauaina o le Malamalama Faaleagaga

Toe faamanatu parakalafa 5–12 i le vaega o le “Mauaina o le Malamalama Faaleagaga” o le *Pepa Autu o le Atamai i Aoaoga Faavae* (2022).